



24.05.2022

UPA2022/124

Emanuel Nûko, Naleraq

Angutit angajoqqaajusutut pinngitsaalillugit inissisimatinneqalinnginnissaat siunertaralugu inatsisitigut naartuersittoqartalernissaannik Inatsisartut isumaat pillugit oqallisissiatut siunnersuut.

Oqaluuserinera

Oqallisissiamik siunnersuuteqartoq Inatsisartunut Ilaasortaq Anna Wangenheim saqqummiussannut qujanaq.

Angutit angajoqqaajusutut tassalu ataataajunngitsutut pisinnaatitaaffilersorlugit meeqqallu ataataqarnatik kingornussisinnaatitaaffeqaratik inunngortarsimasorpasuit pisinnaatitaaffeqalernissamik tamaviaaruteqarfigineqarnerini maannaakkut akerlerluinnaanik angutit angajoqqaajusutut pinngitsaalillugit inissisimatinneqalinnginnissaat siunertaralugu inatsisitigut naartuersittoqartalernissaannik Inatsisartut isumaat pillugit oqallisissiatut siunnersuut Naleqqami nalilersuiffigisarsimaqaarput eqqartuiffigisarlutigulu.

Naligiissitaaneq eqqarsaatigalugu angutit oqartussaaqataasinnaanissaat arnap naartulersimanerani isumaqarpugut pingaartuusoq, kisiannili toqqaannartumik perorsaaqataasusnaanani inissisimasarneq qiviaraanni nalilersuiffissarsuaqartoq Naleqqamiit isumaqarfigaarput.

Meeqqamut angajoqqanngorluni akisussaaffik annertoorujussuuvoq aammalu kisimiittunut imaannaassassannegeqaaq arnamut aapparinnngisaminnik naartulersimanermini nalilersugassat imaannaasimanngittarsimassaqqimmata.

Tamannalu meeqqap pitsaasumik peroriartornissaanut aqquutit suut pitsaasuussanersut ilanngullugit nalilersuisarnermik peqartariaqarpoq aammalu ataataasoq ataataarusuttanngikkuni naartutitsinaveersaartitsinissaminik eqqarsarnerunissaa pingaaruteqartuuvoq.



Naleraq

Naleqqamiit angutit pisinnaatitaaffii nalilersoqittuartarnissaat aammalu meerartaarineqartup qiti-ulluni pitsaasumik toqqissisimasumik peroriartornissaa pingaartillugu suliaqartuarnissaq naleqqussaajuarnissarlu pingaaruteqartuusoq Naleqqamiit isumaqarpugut.

Naleqqamiit angutit meerartaarusugatik meerartaartinneqartartut ataatanngortinneqarlutik siunissami qanoq iliornikkut aammalu inatsisitigut periarfissaasut qanoq iliornikkut naleqqussaaffigineqaqqissinnaanerat nalilersugassaavoq uanili toqqaannartumik oqallisissiarineqartoq isumaqatigeqqissaanngikkaluarlutigu periarfissarsiorfigisariaqartoq takusinnaagatsigu Naleqqamiit taamatut oqaaseqarfigaarput.

Meeqqamut angajoqqaanngorluni akisussaaffik annertuvoq – immaqa inersimasutut Akisussaaffik annerpaaq. Aamma meeqqamut angajoqqaajusunut akisussaaffik marlunnut avitaavoq. Najoraluaraanniluunniit najunngikkaluaranniluunniit. Arnaq sapaatit akunneri 12-it qaangiutsinnagit naartuersinnissaminut pisinnaatitaaffeqarpoq, akерlianilli angut angajoqqaanngortussatut itigartitsinissaminut akuersinissaminulluunniit periarfissaqarani. Tamanna nalogiissitaannginnertut isigineqarsinnaavoq, tassani arnaq angutip pisinnaanngisaatut pisinnaatitaaffeqarluni – allaat inuunermut allannguisuugaluartoq.

Nunarsutsinni sumiluunniit akuersaarneqarsinnaanngilaq inatsisitigut ataataarusunnginneq